

SCRIPT OF MORNING GOJRI NEWS BULLETIN 2DEC 2025

1015HRS

مارننگ گوجری نیوز بولٹین 2 دسمبر 2025

یوہ آکاشوانی جموں ہے محبوب سلطانہ تیں خبر سُنو۔

LG GUJARAT

لیفٹیننٹ گورنر منوج سنہا نے پچھلے تہارے گجرات کا وڈودھرا مانہ سردار 150 یونٹی مارچ پیدل یاٹرا مانہ شرکت کرگے سردار پٹیل کا قومی یکجہتی ماہ فیصلہ گن کردار نانہ اُجاگر کیو ہے کشمیر حیدرآباد تے سردار کا موضوع ور بولتا واں ایل جی موصوف نے کہیو جے جموں کشمیر کی تاریخ الگ ہوتی اگر کشمیر نانہ نال جوڑن گو معاملو سردار پٹیل کا ہتھ مانہ ہوتو ایل جی موصوف نے مزید کہی و جے سردار پٹیل گو اتحاد برابری تے سماجی انصاف گو نظریو آج وی بھارت غی ترقی غی راہ ہموار کر رہیو ہے اُنہاں نے کہیو جے وزیر اعظم کی دفاع 3 سو 70 کی منسوخی تے اک قوم جیسی شروعات قومی اتحاد نانہ مزید مضبوط کرے گی۔

NIA SEARCHES

قومی تحقیقاتی ایجنسی نے دلی بھم تاکہ گا معاملہ مانہ جموں کشمیر تے اُتر پردیش غی بکھ بکھ جگہاں ور چھاپہ ماری کی ہے۔ اس ضمن مانہ این آئی اے نے دسیو ہے جموں کشمیر کا ضلع شوپیاں گلگام پلوامہ تے اونتی پورہ کی 8 جگہاں تے لکھناؤ کی اک جگہ ور یاہ کاروائی کی ہے اس سلسلہ مانہ ایجنسی نے مزید دسیو ہے کہ بکھ بکھ ملزماں تے مشتبہ افراد سنگ جہڑی وی جگہاں ور یاہ کاروائی کی گئی جس دوران جدید یاتی چیز تے دوجو قابل اعتراض مواد وی ضبط کیو گیو ہے۔

CBI ARREST

مرکزی تحقیقاتی بیورو نے 35 براں گا پرانا معملہ مانہ فرار ملزم شفات احمد شانگلو نانہ گرفتار کیو ہے یوہ معاملو سابق وزیر داخلہ مفتی محمد سعید کی بیٹی ڈاکٹر روبیا سعید نانہ اغوا کرن غے متعلق ہے واضع رہ جے ملزم نے یا سینن ملک تے دیگر سنگ رل غے اس معاملہ کی سازش رچی تھی تے اس گل ناں ور 10 لکھ روپیا گو انعام وی رکھیو گیو تھو اس سلسلہ مانہ ملزم نانہ قانون غے تحت متھی وی مدت مانہ ٹی اے ڈی اے کورٹ جموں مانہ پیش کیو جے غو۔

JKEDI

جموں کشمیر انٹرپرائز شپ ترقیات اداراں جے کے ای ڈی آئی نے پچھلے تہارے مشن یووا غے تحت کاروباری ترقیات پروگرام گا نوا بیج نانہ 12 ضلع گا اندر شروع کیو ہے اس شروعات گو مقصد نوجواناں مانہ کاروباری مہارت پیدا کرنو تے اُنہاں ناہ پائیداد کاروبار قائم کرن مانہ مدد دینو ہے اس سلسلہ مانہ افتتاحی اجلاس جمو کٹھوہ ریاسی ادھمپور انتت اگ پلوامہ شوپیا بانڈی پورہ، بٹگام، گاندربل، کولگام تے بارہمولہ گا جے کے ای ڈی آئی مرکزاں مانہ منعقد کیو گیو تھو اس تربیت مانہ کاروبار کی پلاننگ مالیاتی خواندگی تے مارکٹ سنگ جڑاؤ جیسے موضوع شامل ہیں اس

پروگرام نانہہ ایک ہی ویلے اندر بکھ بکھ ضلع مانہہ شروع کرسگ اس گی رسائی تے اثر ماہہ اضافو وے گو تے مزید بیچ وی تاولے متعارف کرایا جیں غا اس ضمن مانہہ شرکاء نے اس قدم غو خیر مقدم گو خیر مقدم کیو تے زمینی سطح ور کاروبار گا فروغ ماہہ جے کے ای ڈی آئی گا کردار نانہہ اہم قرار سطح ور کاروبار گا فروغ مانہہ جے کے ای ڈی آئی گا کردار نانہہ اہم قرار دیتو۔

CS DAIRY

چیف سیکرٹری اٹل ٹلو ے پورا جموں کشمیر مانہہ ڈیری ترقیات نانہہ اگے بدھان غی وی حکمت عملی غو جائیزو لیبے اُنہاں نے موجودہ ایچ اے ڈی پی قدم نانہہ مزید موثر بنان تے این ڈی ڈی بی گی معاونت سنگ دیگر ریاستا گا کامیاب ماڈل نانہہ جانن بارے وی زور پایو۔ واضع رہ جے دودھ گی پیداوار مانہہ جموں کشمیر 8واں مقام ور جت 80 لکھ لیٹر دودھ روز پیدا کیو جے لیکن 4 لکھ لیٹر دودھ گی ہی پروسیسنگ کی جاسکے 2026تیں نوا سات براں گو منصوبہ سنگ 5 لکھ تیں متا کساناں نانہہ جدید ویلیو چین سنگ جوڑیو جے گو جن مانہہ اپنا آپ پروسیسنگ پلانٹ تے وسیع دودھ جمع کرن گا نیٹ ورک شامل ویں گا یاہ سکیم کاپریٹیو تے ایف پی اوز غے ذریعے نافذ کی جے غی تانجے کساناں گی آمدنی مانہہ اضافو تے شعبہ نانہہ پائیداد بنایو جاسکے۔

SULAI HONEY

رام بن گو سلائی شہد وزیر اعظم نریندر مودی گا پروگرام من غی بات مانہہ شامل ہو تیں بعد قومی سطح ور نمایاں ہوگیو ہے جنگلی تلسی گا پھولا تو حاصل ہون آلو یوہ منفرد شہد حال ہی مانہہ جغرافیائی شناخت ٹیگ حاصل کرن مانہہ کامیاب ہوئیو ہے جس سنگ اس گی برینڈ ریلیو مانہہ بادھو ہووے تے نوہ برآمدگی گی راہ کھلی ہیں اس ضمن مانہہ ماہرین گو کہنو ہے جے جی آئی ٹینگ اس گی اصلیت نانہہ محفوظ رکھے گو تے مقامی معشیت نانہہ مضبوط بنان مانہہ مدد کرے گو ملکی تے عالمی سطح ور اس گی بدھتی وی ماگ سنگ یاہ پہچان کساناں غی آمدنی مانہہ نمایاں اضافو کرے گی تے ان گا روزگار نانہہ سہارو دین تے خطہ کی مجموعی سماجی تے اقتصادی ترقی مانہہ اہم کردار ادا کرے گی۔

BRIG USMAN CRICKET

بھارتی فوج کی نوشہرہ برگیڈ ے پچھلے تہاڑے راجوری گا نوشہرہ فوجی میدان مانہہ برگیڈ اُسمان پرمیر لیگ 2025-26 گو افتتاح کیو ہے اس ٹورنامنٹ نانہہ بڑا جوش تے جذبہ سگ 80 برگیڈ گا کمانڈر برگیڈ کوشل کمار نے شروع کیو ہے اس باوقار تقریب مانہہ ضلع کی 16 ٹیم حصولے رئی ہیں جنہاں نے قوم کے ناں اپنی زدگی وقف کی تھی اس لیگ گو مقصد برگیڈ پر عثمان پوراں گی بہادری تے وراثت نانہہ خراج عقیدت پیش کرن غے نال نال نوجوان کھیڈاریاں مانہہ کھیڈ گا جذبہ صلاحیت تے سماجی رابطاں نانہہ فروغ دینو ہے۔
